

Forskrift for fast opphold i sjukeheim er politisk vedteke og gjeld frå 01.07.2017.

Fast opphold i sjukeheim – kriterier og ventelister, Fjaler kommune.

Kriterier for fast opphold i sjukeheim – kriterier og ventelister, vart politisk vedteke i juni 2017.

§1 Føremål

Gjere tydeleg retten til sjukeheimspllass.

§2 Virkeområde

Forskrifta gjeld for personer som bur eller oppheld seg i Fjaler kommune.

Forskrifta gjeld for tildeling av heildøgns pleie og omsorg i sjukeheim, fast opphold.

§3 Definisjonar

I forskrifta her meiner ein

a)heildøgns pleie og omsorg: tenester som dekker pasient/brukar sine behov gjennom heile døgnet. Det skal vere personell til stades som raskt kan komme ved tilkalling.

b) fast opphold: opphold utan sluttdato der pasient/brukar sin helsetilstand og behov for helse- og omsorgstenester gjer at det ikkje er sannsynleg at vedkomande vil flytte heim eller få tilbod om lågare grad av helse- og omsorgstenester.

Venteliste fast opphold i sjukeheim:

Kommunen si oversikt over dei pasientar/brukarar som etter søknad har fått vedtak om at dei fyllar krava til fast opphold i sjukeheim, men som med forsvarleg hjelp kan bu heime i vente av fast opphold. Fast opphold vert alltid tildelt ut frå behov og ikkje etter plassering på ventelista.

Slik er ventelista ikkje rekna som ei kø-ordning , og plass på ventelista gjev ikkje fortrinnsrett til ledig plass på sjukeheim, jf. §7.

§4 Generelt om tildeling fast opphold i sjukeheim

Fast opphold i sjukeheim er eit høgre omsorgsnivå enn helse- og omsorgstenester i heimen.

Kommunen skal samhandle med pasient og brukar, og eventuelt dei pårørande /verje i tildelingsprosessen.

Følgjande må vere utgreidd før ein søknad om langtidsopphold kan verte vurdert:

Pleie – og omsorgsbehov

Svikt i eigenomsorg grunna demens

Andre relevante tiltak

tilrettelegging i heimen, t.d. hjelpemiddel

tryggleiksskapande tiltak, tryggleiksalarm og velferdsteknologi

dagtilbod eller andre sosiale støttetiltak

moglegheit for auke i heimetene

omsorgsbustad

tidsavgrensa opphold i institusjon, korttids- eller avlastingsopphold

familieforhold og nettverk

oppdatert pasient- og brukarinformasjon frå tenesteytarar innan helse og omsorg

oppdaterte helseopplysningar frå fastlege og spesialisthelseteneste.

§5 Kriterier for opphold i institusjon

Pasient/brukar er varig ute av stand til ta vare på seg sjølv og meistrer ikkje lenger daglege gjeremål grunna fysisk eller psykisk funksjonstap.

Pasient/ brukar må ha eit omfattande behov for heildøgns helse- og omsorgstenester. Det er ikkje mogleg å dekke dei daglege behov for helsetenester, pleie og omsorg på eit forsvarleg nivå i eigen heim.

Det må ligge føre oppdatert dokumentasjon som skildrar funksjonsnivå ved hjelp av IPLOS og andre relevante opplysningar om pasient/brukar sitt behov for hjelp.

Under omfattande behov inngår ei totalvurdering av funksjonsnivået og evna til eigenomsorga til pasient/brukar, mellom anna i høve:

Samansett sjukdomsbilete

Kognitiv svikt og /eller langkomen demens

Alvorleg fallrisiko / immobilitet

Alvorleg svekka ADL-funksjon (t.d. personleg hygiene, toalettbesøk)

Hyppige innleggingar i spesialisthelsetenesta (sjukehus)

Fast opphold skal ikkje tildelast utan at alle andre alternative tenester er vurdert, prøvd ut eller ikkje funne føremålstenelege.

§6 Rett til vedtak

Kommunen kan fatte vedtak om avslag på søknad om fast opphold i sjukeheim. Eit avslag må vere grunna i at pasient/brukar med omfattande behov for heildøgns helse- og omsorgstenester bur heime med forsvarleg hjelp i vente av fast opphold på sjukeheim.

Vedtaket skal opplyse om vedkomande fyller kriteria for fast opphold i sjukeheim, og om han/ho vert satt opp på venteliste for fast opphold.

Pasient/brukar har rett til å klage over vedtak om avslag på sjukeheim og plass på venteliste for fast opphold, jf. Pasient- og brukerrettighetsloven §2-7 andre ledd og § 7-2.

§7 Ventelister fast opphold i sjukeheim

Pasient/brukar som har fått vedtak om at han/ho fyller kriteria for fast opphold, men som med forsvarleg hjelp kan bu heime i vente av fast opphold på sjukeheim, skal førast på kommunen si venteliste for fast opphold.

Ved kvar tildeling av fast opphold , skal kommunen vurdere det individuelle behovet til nye søkerar og alle som står på kommunen si venteliste for fast opphold.

Kommunen si venteliste for fast opphold i sjukeheim gir ingen fortrinnsrett til fast opphold, og seinare tilkomne søkerar vil kunne få plass først dersom deira behov vert vurdert som større.

§8 Oppfølging av ventelister for fast opphold i sjukeheim

Pasient/brukar som står på kommunen si venteliste for fast opphold skal kontinuerleg vurderast ut frå behovet for å få tildelt fast plass.

Kommunen sine rutinar skal sørge for at pasient/brukar på venteliste har naudsynte og forsvarlege helse- og omsorgstenester medan dei ventar på tildeling av fast opphold.

Kommunen skal ha ei systematisk og fortløpende vurdering av helsetilstand og funksjonsnivå til pasient/brukar på venteliste for å fange opp eventuelle endringar i helsetilstand og funksjonsnivå.

§9 Gyldig frå

Forskrifta gjeld frå 1.juli 2017.